

經史避名彙考

經史避名彙考卷二十一

海寧周廣業耕厓

帝王十八 南宋

南宋

南宋 徽宗第九子封康王靖康末二帝北狩王南渡即尊位都臨安稱行在曰南宋者別於北也

高宗受命中興全功至德聖神武文昭仁憲孝皇帝諱構案

經文字薄部古候切構字德基內禪稱太上皇尊稱光堯壽

通字並然今通作構 皇葬永思陵諸陵皆在會稽城淳熙志行在所錄有攢宮一卷為元僧楊建真伽所發掘著有六陵考

名義楓窻小牘良嶽有石賜號敷慶神運石旁植兩檜徽

宗御題云拔翠琪樹林雙檜植靈園上梢蟠木枝下拂龍
髯茂撐擎天半分連蟻工南負為棟復為梁夾輔我皇諱嗟
乎檜以和議作相不能拓復中原已兆於半分南負而一
結是高廟御名皆天定也 坦齋筆衡道君大觀二年御
製易運碑刻之延福殿東壁文有曰始建元基高宗御字
德基也 夷堅志淳熙中明州士人於魚腹得玉印有二
字不能識後為德壽宮提舉所得佩腰間光堯見之凄然
曰此我故物京師玉冊官錫德基二字建炎避敵海上誤
墮水中不謂復落吾目 廣業案葉紹翁四朝聞見錄載偽
柔福帝姬引見之日呼上小字高

廟小字無考
其即德基歟

今武淳熙文書式高宗廟諱構原注古侯切邁構觀購購購購

構構構構構構始詒詒詒詒詒句句句句句句句句句句

句句句句句句句句句句句句句句句句句句句句句句

寢霽計五十四字廣業案容齋所稱多至五十字蓋即指此老

學菴筆記云大駕南渡典章婦蕩時因討論御名禮部申

省言未尋得廣韻竊謂廣韻雖多收奇字不經用者為多

如此五十四字習用者不過半耳音學五書曰禮部韻略

去聲五十候部內避高宗諱古侯切二十字俱不收其他

廟諱御名不收者並同此例今考韻畧平聲九魚句句句

十九候鈎鈎句句句等字並注云音古侯切者係廟諱其

平聲不當迴避又九麈句字江聲四十四有詬字音古候切者並避又响字吁句古候切切俱避四十五厚穀字乃后切許用古候切迴避穀字解作乳者通用古候切避去聲十遇句字古候切迴避餘許用五十候返詬詢恂古候切者並避

人事

名

咸淳志郡守表沈文通不名注云犯高宗嫌諱廣

業案沈邁係錢唐沈扶長子王安石誌樂君瞿氏墓稱男曰某翰林學士右諫議大夫知制誥者即邁也南宋時刊臨川集避為某 事畧陳邁字亨伯名犯太上嫌諱止稱字廣業案方輿勝覽北稱陳亨伯至紹慶府名賢有皇朝蕭公

注名犯高廟諱下引紫極宮黃帝神廟記咸通壬辰翰林公劉禹錫奏稱高廟諱也何宜廟諱

其前代人名咸淳志唐刺史李構不名注云犯高宗廟諱
避暑錄話載唐書陸餘慶與趙正固盧藏用陳子昂杜審
言宋之問畢構等為方外十友中畢構不名注云御名今
刊入稗海者遂連書為畢御名矣亦有改為遇者唐詩紀
事蕭遇和王鐸題梓潼廟詩韓昌黎集奉和李相公蕭家
林亭題注云遇二遇字皆本作遵也

姓氏書句氏今成都嘉州皆為盛族亦有徙長安或高
郵者近世避諱有改為勾龍氏者有徙金為鉤氏者徙系
為絢氏者姓氏急就篇云車輦鉤轅膠漆堅注鉤氏左傳

有吳句卑音鉤蜀有勾氏避高宗諱或改為鈎又歲萊莢
薄荊苟符注苟氏避高宗諱加艸有苟謹又汙時句勾鈎
鈎簡注蜀勾氏本句氏避高宗諱改有勾濤鈎氏本句氏
避改有鈎光祖鈎氏同上有鈎紡又勾龍氏本句氏避加
龍戴埴鼠璞曰勾姓本避改音鈎後或加金加絲於傍或
加草於上或改為句或增為勾龍齊東野語曰仍其字更
其音者勾濤也加金者鈎光祖也加絲者鈎紡也加草頭
者苟謹也改句音者句思也增勾龍者如淵也勾龍去上
字者大淵也廣業案正字通宋紹興進士有鈎宏則加金
而又以、易也通計有八姓揮塵前錄論之云句係蜀

中大族遊宦參差不齊倉卒之間各易其姓由是析爲數
家累世之後昏姻將不復別鼠璞亦云諸姓實同一勾也
後世昏姻何自而辨是固然矣考勾字本有鉤音漢書人
表勾踐師古曰勾音鉤非因避諱始改鼠璞直謂今讀勾
踐作平聲本此非也伯厚所列勾卑亦其一證至勾改勾
龍之說尤可疑路史炎帝紀云勾龍之後有勾氏勾龍氏
明姓雖有單複同出勾龍也注乃引鄧姓書云近勾以諱
改從系或從金此即鄧名世姓氏書也彼謂勾以避諱改
勾龍則本不祖勾龍矣不足取證惟費著氏族譜云勾氏
本勾龍氏唐末勾惟立入蜀或曰避高宗諱改爲複姓此

為近之然蜀志宕渠侯句扶巴西漢昌人則蜀自有句氏
未必唐始入蜀也又容齋續筆載政和中禁中外不得以
龍天等字為名於是句龍如淵但名句如淵宣和七年始
罷之詳雜然則如淵之姓由複改單由單改複諸說皆非
也宋史句龍如淵傳句姓本古句芒高宗即位避御名更
句龍氏此非特易其祖并諱芒矣陳允錫史緯因之而云
更句為龍因呼為句龍氏支離尤甚

書正字通詩亦既覯止大雅莫予云覯宋儒讀若遇避高
宗諱 玉海易姤卦作遇卦朱子易本義姤卦下故為姤
作故為遇又吳草本本義雜卦遭遇也注自遇歟亦卦本

反對廣業案遺妬皆嫌名合避以遺代妬實所未解其闕
筆者如紹興九年閏中重刻羣經音辨見部韻見也古豆
切邈韻解說也戶溝切二韻字皆闕末筆 毛本後漢書
章帝紀元和三年詔曰不克堂栢朕甚慙焉注尚書曰厥
子乃弗肯堂矧肯栢廣業案此二栢字當作構今作栢而
缺末筆亦所未解意宋本構缺筆作構後印本模糊遂填
以栢字歟岳州本通鑑紀事本末遺謁贈字皆缺筆其廟
諱用夾注者光堯居多或曰太上或曰高宗如漢武伐匈奴
紀巫蠱之禍競欲構太子構字不書而於欲字下注云
太上御名其前秦禍北構於胡北字下注高宗御名其他

諸羌叛服等紀並然魏滅蜀紀因其疑似構成其事慕容
叛秦紀沴氣易構似字易字下無構字而太上御名四字
大寫直下此抄書之誤非梅石翁本然也欽宗御諱僅一
見於漢武伐匈奴紀餘缺桓字末筆而已春明退朝錄載
承旨張公所作詔云迺規層宇宇下注云正字犯御名張
漬宣室志浚城池構城屋構字不書注御名松漠紀聞載
高麗賀正表臣幸邁聖朝邁字不書注太上御名游宦紀
聞載宣和間高麗使人李資德謝恩狀跋予望之適江干
之弭節亦既觀止幸堂上之披風觀字不書注犯高廟嫌
諱宋人書籍此類極多畧舉一二以見例焉

官制通考審計院舊為諸軍諸司專勾司建炎元年避御諱

改諸軍諸司審計官

翰苑新書引中興繫年錄同

咸淳志審計司吳博

古題名記院舊曰專

廟下注

中興避嫌名更今名云

徐慶

却埽編舊制諸路監司屬官曰勾當公事建炎初易為幹

辦廣業案能改齋漫錄政和八年戶部幹當公事吳子寬

此幹當本作勾當吳會所追改然則諸部亦改為幹辦也

職官分紀熙寧三年詔諸路轉運司奏舉京朝官知縣資

序二人充本司勾當建炎初改勾當為幹辦合璧事類轉

運司管勾文字建炎改主管勾當二人改為幹辦又安撫

使屬有勾當公事改幹辦公事

物類羅爾雅翼釋木穀惡木也聲通于穀其音又近御
名或曰櫟有辨曰楮無曰構六經正誤書咸有一德篇後
序桑穀穀楮也从穀从木音工木反與工豆反不同非犯
廟諱嫌名又與禾穀字不同詩天保俾爾戩穀注穀祿也
作穀誤凡禾穀之穀从穀从禾音工木反穀祿穀養穀善
之穀皆曰穀粟取義其音皆同並與穀楮之穀从穀从木
不同論語不至於穀孔安國曰穀善也當音工木反緣傳
寫誤從木陸氏釋文不考誤音工豆反俗遂以穀善之穀
為諱字非也今朱子集解訓祿亦音工木反尚書桑穀陸
音工木反楮也雖从木亦不音工豆反非諱字也

觸犯俞文豹吹劍錄高宗策進士有犯御名者上曰朕豈

以已妨人進取 宋鑑紹興十六年撫州布衣吳沆進易

璣璣

玉海云三卷

三墳訓義以書犯廟諱故賞不及焉

宋詩紀事沆字

德遠政和中與弟解各獻所著書解得免解沆抵廟諱罷歸環溪與鑑言紹興異

夷堅志常州

丁遇端叔紹興三十九年夢人告曰逢丁可則及第乾道

元年果天台丁可為考試被病出院遇大失望揭榜乃在

選中主司言丁主簿出院時執此卷授吾輩云勿遺此人

及會卷點檢一卷犯諱當黜遂以子充數云

孝宗紹統同道冠德昭功哲文神武明聖成孝皇帝諱睿字

元永小名羊初名伯琮賜名瑗又名瑋字元環內禪稱太上

皇帝葬永阜陵

名義本紀太祖七世孫初名伯琮選育宮中賜名瑗立為皇子更名瑋賜字元瓌立為太子改名昶初詔賜名曄監察御史周必大與陳康伯言與唐昭宗名同音不可詔別擬進乃定今名又命學士承旨洪遵為太子擇字遵擬四字以進皆不稱旨御筆賜字元永又汪應辰傳紹興三十二年建儲以孝宗名與唐廬江王晉楚王同詔改為曄應辰以為與唐昭宗同白左相陳康伯遂改今名牛裹埤雅廣要孝宗母張氏夢崔府君擁一赤羊遺之丁未生孝宗小名羊及選養宮中賜名瑗適與崔府君同名

案崔府君名瑗

此云名瑗不知何據廣業案清波雜誌載族叔茂振在翰林受旨作
建立皇子詔曰普安郡王藝祖皇帝七世孫也云云上讀
之稱善郡王下小注壽舊名蓋瑗字也又云今製字以
賜未幾遂柄用据此則元瑗之字茂振所製也又案續綱
目云紹興二年上虞縣丞婁寅亮上書請於伯字行內選
太祖諸孫有賢德者視秩親王俾牧九州以待皇嗣之生
其後遂選秦王德芳若五世孫左朝奉大夫偁追封齊王謚
安僖之子伯琮賜名瑗焉錦繡萬花谷趙氏玉牒藝祖下
德字惟字從字世字令字子字伯字師字希字興字孟字
孝宗于藝祖為七世孫故名連伯字 正字通春舊注古

慎字正韻慎古作春或言宋孝宗諱春改从慎案慎古本作春正韻非也廣業案戰國有春到通書作慎非因孝宗改也雖分八古為字則同故婁機班馬字類去聲二十一震二十二杼首一字皆曰御名注云漢書武帝紀海外肅一莫不來賀與慎同此正為春字孝宗名也

今式淳熙文書

式

孝宗廟諱春

注時

慎春蜃屬

蜃屬蜃劍厥銀計

字舊諱伯琮瑗璋

原止

璋依押韻釋疑補

押

貢舉條式紹興三十二

年十月五日一件勅禮部狀據太常寺申本寺契勘今來人姓有犯御名及同音從小從真字若從其便改易慮恐不一今欲改作填字

音

所有經史書籍文字內有犯御名

及同音從_非從真字如係謹戒之意即定讀曰謹如係地名人姓山川國名即定讀曰填其經傳本字依紹興二年十一月二十六日指揮即不當改易欲乞候指揮下日令都進奏院遍牒施行本_部今欲依本寺_寺申到事理伏乞朝廷詳酌指揮施行十月十五日奉聖旨依禮部所申 韻畧上聲十六軫_切羊晉時_切二_切合避餘不避蟪蛄_切演戲並同蜃別音時_切切合避餘不避蜃蜃_切並同 六經正誤釋文王制蜃常忍反字書有上去二音去聲係廟諱嫌名月令蜃字同上聲不當_通避周禮掌蜃同雜記執引_以以_切切一音餘_切反餘_切與以_切同當作餘忍反蓋引字有

上去二聲去聲係嫌諱上聲不當迴避 宋史禮志嘉定

十三年十月司農寺丞岳珂言孝宗舊諱從伯從玉從宗
考國朝之制祖宗舊諱二字者皆著令不許並用又言欽
宗舊諱二字皆合迴避乞併下禮寺討論頒降施行既而
禮寺討論所有欽宗孝宗舊諱若二字連用並合迴避從
本官所請列入施行從之廣業紫槐郊錄載此劄云紹興
文書令曰廟諱舊諱正字皆避之故哲宗孝宗之舊諱單
字者凡三皆著令改避惟欽宗舊諱二字一則從二從回
從旦一則從火從旦今皆用之不疑又令之註文曰舊諱
內二字連用為犯若文雖連而意不相屬者非故太宗仁

宗英宗神宗之舊諱二字者凡八皆著令不許並用惟孝
宗舊諱從伯從王從宗者今亦聯書自若甚至有以為名
者珂竊謂尊祖事神固存終諱祖宗酌禮取中單字則盡
避二字則不連不簡不苛惟情之稱弗可改也欽皇祔祫
稱宗而舊諱之避乃不得與諸廟比孝廟初潛故名雖已
賜更然上擬英祖亦正同濮邸故事真神二廟初亦與宗
藩聯稱既改復諱今獨不然皆非也孝宗會要史牒皆不
著改名殊不知英宗正史實錄會要皆嘗書之遂使舊諱
罕傳後世莫考當世士大夫猶有不及知者容臺史觀之
失不既甚乎李心傳繫年要錄載此諱于紹興二年五月

辛未明年二月庚子除和州防禦使復見焉他書則未之載也又云今宗室訓名或犯舊諱私謂不安叅稽典故可疑者三大可據者一景祐四年詔自今宗室訓名令宗正寺與修玉牒官同議勿得重疊夫重疊且不可而可與舊諱重乎一可疑也治平三年翰林承旨張方平言皇族賜名其屬絕無服而異字同音或上下一字同者請勿避從之則是治平以前凡同族之名一字之同皆在當改之域曰同族且不可况宗廟乎二可疑也紹聖三年宗正寺丞宗景平奏宗室賜名非袒免親本家命名於本祖下有服親雖音同字異並避於本祖下無服親及別祖下有服親

即音同字異許用於別祖下無服親非連名即雖本字亦許用從之舊諱雖非正諱其視音同字異不尤重乎三可疑也大中祥符八年詔改舍光殿曰會慶以光字太祖舊名之偏諱故避之自二年已詔但禁連用而六年後乃改殿名豈非殿名常用之稱與文書偶及者不同乎殿名猶易而屬籍反可上同乎李燾續通鑑長編天聖六年兵部郎中集賢院修撰楊大雅知制誥大雅初名侃以犯真宗舊諱詔更之此乃灼然明據以此論之不特宗姓非所當為庶姓士大夫或襲用之亦非也會慶為孝宗誕節與殿名複出哲宗神御殿名曰重光又自慈聖后再以入廟號

似違祥符故事云廣業案桃廟正諱士庶不得命名紹興
已有明詔矣獨舊諱未有禁制故肅之有此論蓋名有新
舊初無異人朱子以為諱得無謂恐亦矯枉之論也

不事名淳佑臨安志侍御史方慎言慎字不書注云孝宗

御名咸淳臨安志宋鹽官令丁脊不名注孝宗廟諱張九

成鹽官縣令題名徽宗朝有鮑謹好泊宅編作鮑慎好宋

史作鮑好以上本朝玉海魯梓慎作梓謹漢許慎作許謹山

堂考索有許謹說文咸淳志晉郡守盧懷謹野客叢書同吳鄂

峙甘泉縣志龍興寺慎律和尚碑天下金石志宋高僧傳

作慎律師王象之輿地碑記目作謹律師避孝宗御名唐

朝名畫錄王知慎缺末筆

前代

胡瑗字翼之宋史孫覺

傳從胡瑗學錢公輔傳從胡翼之學南宋說部皆稱胡翼之避孝宗舊諱也咸淳志瑗字皆注孝宗舊名事畧曹

瑄缺末筆

氏五雜組真德秀原姓慎因避孝宗諱改宋史又有改姓

謹者癸未雜識後集稱咸淳之末江東謹思熊端諸人是也廣業案慎氏慎滑釐之後

書朱子注學庸慎皆以謹代之如曰謹獨不可不謹戒謹

不睹注論語則曰敬謹之至無所不謹謹齊謹疾謹言而慎終慎於言慎言之類皆依經文不改正字通謂朱子

集注無慎字非也語類

七十

說尚書其難其謹蔡沈注尚

書慎德作謹德慎罰作謹罰李元綱聖賢事業圖慎思作
謹思亦有謹獨戒謹宋人說經大率如此惟周紫芝自序
毛詩講義可不慎哉慎字闕小注今上御名若乾道臨安
志歐陽修有美堂記梅公清慎又胡宿傳治事慎重不輒
發慎字皆小注今上御名此地志小說之通例也其闕筆
則紀事本末演實關鎖貢之類皆缺筆不止慎字語類引
周子慎動作慎動松漠紀聞古肅慎國作肅真

地理

郡

宋史地理志淮南路廬州梁縣本慎縣紹興三十

二年避諱改江南通志漢汝南郡有慎縣劉宋僑置於此

屬南汝陽避改曰梁者從舊郡名也。鮑天種丹徒縣志
蜃溪在縣境流入金壇宋避孝宗嫌名呼為辰溪廣業案
蜃字古無平聲因避宋嫌諱南方人往往讀為辰乾隆丙
午北闈試蓬瀛不可望詩蜃樓蜃氣等字有作平聲用者
磨勘例當停科後檢得明代韻書云有此俗音因得免
觸犯宋史樓鑰字大防鄞人隆興元年試南宮策偶犯舊
諱知貢舉洪遵奏得旨以冠末等陳氏書錄未甲首試教官合璧
事類謂賦擅場又對策剴切皆犯名諱文安取旨奏名其
愛惜士類如此

安僖秀王

追尊孝宗父

諱偁

令式光宗紀紹熙元年三月詔秀王襲封置園廟班安僖
王諱四月以伯圭為太保襲秀王又建秀王祠堂于行在
又禮志是年太常寺乞依濮安懿王典禮避秀安僖王名
一字詔恭依

微字益恭初名偁避秀

人事吳之振竹洲詩鈔吳儆字益恭初名偁避秀園諱改
名咸淳志紹興二十七年知臨安府張不名注云犯秀
安僖王諱馬如龍杭州府志張偁下注云成化志誤書為
張秀安今改正 事畧楚王元偁王禹偁等皆缺末筆廣
業案是書所紀自太祖至欽宗凡九廟孝宗時洪邁表上
時和州布衣龔敦頤亦在薦剡今本於敦悖等字皆缺末

筆蓋光宗朝傳錄之本也

光宗循道憲仁明功茂德溫文順武聖哲慈孝皇帝諱惇葵
永崇陵

令式淳熙文書式光宗廟諱惇

昆注
切都

敦漳餐墩銀嶺敦熬

駮磬孰盤孳張邲褻鵠螭螭鐸鐸徽徽擊

五
字二

十
内
藕

鐸二字並係珠倫切與淳字同音不合回避若作都昆切

即係與今廟諱同音合各從經傳子

史音

義辟

用

同韻釋

韻畧平聲十五灰敦字注都昆切係廟諱同音合避餘

准式許用十八諄惇錚字都昆切者回避朱倫切照式許

用又一先敦淳字上聲十七準敦螽字去聲三十七號敦

字十八隊鐸字二十二禱淳字二十六恩敦字凡讀都昆
切者並與避押韻釋疑上聲混韻敦徒本切左傳謂之渾
敦新制添入又徒官丁卯都內都因及新補都回五切見
灰歡蕭隊恩五韻又廟諱都昆切不收去聲隊韻敦器名
周禮珠槃玉敦廣業案韻略又出禱淳淳三字實共避二
十八字 宋史王介字元石寧宗時以國子祭酒充接送
伴金國賀生辰使還奏故事兩國通廟諱御名而本朝止
通御名高宗至光宗皆稱名而不傳諱紹熙初黃裳嘗以
為言而不及釐正願正典禮以尊宗廟

業人君即位改名唐及五代皆然宋世亦用此例設有因

仍非緣事故即為禮臣之失光宗御名登極後初無更
易魏郊錄嘗論之曰熙陵即阼踰年更御名制曰云案
太宗初諱上字與藝祖聯稱建隆造邦改從光字復與
魏悼王同行太平興國初悼王既改從廷字以避尊尊
之稱至是甫四月復詔改焉雖更定之意具如詔書其
實去聯文尊王統所以辨名分示等威也真宗本聯元
字既為皇太子遂用單名而大支八王仍舊字為行不
復改案八王謂楚王元佐太子元僖陳王元份安王元
傑密王元偃曹王元偁燕王元徽代國王元億
仁宗在昇邸英祖濮藩名亦二字及正承祧則皆改焉
聖謨昭昭可考而見真宗子周王祐祐本二名以避聖祖

而損其一偏旁與仁宗諱偶合元非初制仁宗三子名

皆躋曰

案張王防孫王昕郭王曠

是為皇子諸王一賜即為單名之

始然率緣殤折非既長而並命者英宗未及正東宮神

宗初與吳顥益顥

二王

並賜名從頁治平不豫之際倉

卒無以故事建明乞更名熙豐友愛遂因循不復議元

豐末哲宗自延安王主宅時御名與神宗諸子皆聯人

字

案陳王似燕王侯趙王偲及徽宗佖

遂詔改今諱不復聯誠得祖

宗別微之本意微高自藩邸入登大寶誤循治平故事

止仍舊名欽宗雖久在震方一再賜名然鄴寵方偏

案

王語諱滋繁固莫有建言者宣和內禪何暇議及孝宗

既改而後升儲乾道兩下貳極之詔皆仍舊名今上承
大統潛躍之名亦不復改雖曰阜陵制義之重聖心有
所不欲更而尊君之誼則非矣

不事

名龔敦頤改頤正

四朝聞見錄

張敦禮改調禮

夏文彥圖畫寶鑑云

學李唐畫

此當時避改者其追改則周惇頤單稱頤宋史淳祐

元年進周順從祀孔廟日知錄云避光廟諱去惇字是也事

略臣傳周敦頤

原誤然岳珂讀史脩志同

及董敦逸變其體又缺末筆

杜清獻集載黃灝知德化縣葺濂溪周端頤書堂則又改

為端安惇字處厚能改齋漫錄云樞密安公諱杞御名亦

作安厚章惇改章厚

語類規鄰書錄同

或稱其字曰子厚事略作

惇又有邢惇咸淳志轉運使黃敦書敦字不書注云光宗
嫌諱湯屋畫鑒南渡士人善畫者朱墩儒加土旁曾惇改
稱字朱晏尊跋石刻鋪私云宋建昌曾宏父撰卷末序書字
曰季卿案宏父本名惇紹興十二年以右朝議郎知台州
府事以字稱者避光宗諱嘉定錢大昕謂宋有兩曾宏父
朱引乃空青之子作鋪叙者廣陵人其書斷乎於理宗淳
祐八年非曾惇也見知不足齋叢書

書正字通曰四書集注無惇字孟子好辨章注惇典改厚
典皆門人當日錄呈御前因諱之耳廣業案集注考證中
庸大德厚化又章句序行遠升高之一助以升代登避惇

之嫌也。程史紹興敕文許敦盟好敦字注光宗廟諱清
波雜誌虞敦夏昂商盤紀廟敦字下注云御名音同廣業
案虞敦讀都內亦讀都昆故云音同諸書敦墩等字皆缺
末筆宋文鑑一百五十卷淳熙四年奉敕修于惇敦及廓
構等或闕筆或外圓以墨圈高宗石經避諱至欽宗而
止易婚媾詩觀止不避而左傳僖二十七年說詩書而敦
詩書敦字獨缺筆不可解

官制老學菴筆記契丹借號有高坐官亦侍從之比宋侍從
所謂坐本字犯御名案此當是墩字官郎唐

地理郡縣四朝聞見錄姑蘇有地名韓墩產梨為天下冠中

都謂之韓墩梨後因御諱改韓村梨吳中平田有培塿皆
曰墩後避諱皆曰堆中吳紀聞崑山縣西婁里有村曰綽
堆注避御名改堆即今綽墩 咸淳志餘姚縣阿姥墩改
阿姥堆注本字避諱廣業案爾雅注江東呼堆為墩鹽官
縣有三女堆今名三女墩一統志湖州烏程縣烏鎮九域
志謂之烏墩鎮避光宗諱止名烏鎮案通鑑昭宗紀顧全
武破烏墩光福二寨注九域志湖州烏程縣有烏墩鎮今
只稱烏鎮是避宋諱去墩字也曹士冕法帖譜系淳化帖
有湖州烏鎮張氏所刻名烏鎮本朱彞尊曰烏鎮一曰烏
戎又曰烏院初名烏墩又青鎮舊名青墩

室淳佑臨安志樓觀門引祥符舊經敦禮亭敦字不書注
云犯光宗諱咸淳志東都講堂舊名曰敦化後更崇化敦
字注云廟諱

觸犯施彥執北憲吳輅錄劉得初白蒙亨劉觀皆太學名
士太學魁往往三人專之一日在場會卷子得初先出之
犯諱二人不言次蒙亨次觀出之皆犯諱亦皆不言三人
者皆喜自謂二人犯諱魁將誰歸及見黜始知皆犯諱此
何容心

附避陵魏郊錄論永崇陵名其失有四唐德宗稱崇陵雖
無永字然終非令君失一元符三年上哲宗陵名永泰初

議永崇中批未至嘉美再上永章永慶上與太后皆曰永
慶佳既聞遼聖宗陵名遂復改則永崇固元符之所棄而
可復用乎失二揮塵錄載崇先寺有真皇館御曰永崇按
會要是殿成于嘉祐六年崇先乃觀名上清之遺址明清
已誤且國朝故事殿號州縣鎮之祀宗廟徽稱陵名例從
改易蓋惡其複如慶厯十年梁谿漫志作七年改文明殿為紫宸
殿景祐四年改武定軍為武康昭武軍為寧武避真宗宣
祖謚天聖七年改永定軍為永寧避真宗陵之類是也况
子孫因山之地祖宗衣冠之御可混而不別乎失三紹興
十三年有旨徽宗永固陵名委後百崔看詳於是權戶部尚

書張澄言惟永祐不犯歷代陵名詔恭依按晉書亘元僭
楚追尊父溫為帝陵號永崇二字皆同正永固之尤失四
又會要紹聖二年禮部尚書林希言神宗宣光殿與石虎
之子韞音云所建堂同名詔改顯承以是觀之不惟崇陵當易
崇先館御亦不復可因仍矣

寧宗法天備道純德茂功仁文哲武聖睿恭孝皇帝諱擴葬
永茂陵

名義玉海儲宮類孝宗乾道五年十一月十二日恭王次
男賜名注寧王也

令武淳熙文書式今上御名塘注關廓郭廳郭郭郭郭
護切

廣劇劇擲霍霍霍郭郭

計十八字

韻畧入聲十九鐸霽字苦

鑊切者係御名同音合當迴避其忽郭切許用廣鐸郭三

字同二十陌郭字別音苦鑊切係御名同音合避霍號切

照式許用郭字同廣業案擴字廣韻禮部韻初並不收元

祐五年博士孫諤等狀乞將釐徠及擴共十字附入逐韻

擴据孟子擴而充之釋文音郭張大也字亦作擴音霍附

入鐸字韻押詳貢舉條式今毛氏增韻無擴字乃寧宗登

極後去之音學五書音論禮部韻略始於景祐四年今所

傳則毛晃增注于紹興三十二年十二月表進宋刻卷端

有云男進士居正校勘重增而光宗諱及寧宗御名並已

回避則此乃寧宗以後刻也廣業案魏鶴山集謂是書奏御之六十二年居正應大司成校正經籍之聘始克鉅于宵庠此可證顧氏之說

人事名咸淳志倅貳有北廳方注犯寧宗皇帝廟諱

書聖賢事業圖擴充擴字不書夾注寧宗廟諱劍南詩藁歲暮與鄰曲飲酒詩予年過八十故物但城郭注避御名從省文墨莊漫錄載杜甫白帝城放船詩五雲高太甲六月控搏扶改曠為控宋板書廟字多闕末筆咸淳志廣字闕末點而不注廟諱

理宗建道備德大功復興烈文仁武聖明安孝皇帝諱昀初

名與莒改名貴誠小字烏孫

宋季三朝政要云理宗質貌龐厚號烏太保蓋連小字呼之

葬永穆陵

〔名義〕癸辛雜識後集穆陵誕前一日全夫人欲歸東浦母家方艤小舟欲登忽見大黑蛇有兩小角壓舷而卧船為之側疑有異不復往未幾誕男小字烏孫以蛇異也其初被選也史衛王當國先命趙宗丞希言選宗室與號十歲以下者各與課筭五行就中選到十人時侍郎王宗與權善五星指理宗福王二命謂衛王曰皆帝王之命也於是理宗改訓與莒福王改訓與芮蓋取二國以為名也後立穆陵為儲廣業案理宗係太祖十世孫榮王諱希瓚之子

寧宗之姪

令式

押韻釋疑今上御名

注俞

均的馴鈞均巡

注尚書

讀鈞

計八

又御舊名貴誠廣業案咸淳志均鈞字俱不書

注廟諱又吳筠筠字但注从竹從均則又避筠字經義考

淳熙十二年林栗進周易經傳集解貼黃云其間有犯廟

諱及御名者並依經傳本文不敢改易只令書不成字覆

以黃紙伏乞睿照廣業案此用紹興重修文書令也

詳鶴

山集乙酉上殿劄子帖黃云臣伏覩陛下潛邸舊名即躬

行日用之至要臣今所陳一篇大意無出此字臣竊見祖

宗朝惟周顒避英廟藩邸名改名顒其餘文書格式於累

朝舊名止是不得連犯二字如蒙睿旨下有司檢照祖宗

故事施行亦足以仰見陛下謙冲表勵之意併乞睿照

入事名李誠字純甫改名伯玉妹俞誠一字則明改名公

明國子監丞縣分水志案此去誠字為避舊偏諱也鶴山劄子

正指此咸淳志誠作忱

書咸淳志孝宗和高宗淨明院梅岩詩修理理諱宗冰艷數枝

斜此當是蜀字

地理郡本紀寶慶元年詔筠州與御名音相近改為瑞州

地理志江南東西路瑞州本筠州紹興十三年改高安郡

寶慶元年避理宗諱改今名類書改江西筠

州為高安誤

宮咸淳志於潛縣此君軒洪咨夔記寶慶初避上嫌名易以此君軒廣業案此避筠字

觸犯郭象暎車志朱熹字元章閩人某年南宮奏名方待廷試有士人同寓旅邸便服日至瓦市觀優有隣坐者士人與語頗洽姓字鄉里皆與元章同且云某幸已過省而不得及第今且欲部中注授差遣士人怪之歸與朱言共笑其妄以朱登科故冒其名也所題之廷試朱以犯諱降學究出身且就部闕因悟曩士所遇蓋鬼也蓋知科名莫非前定

附謚癸辛雜識新集理宗未祔朝堂議謚曰景曰淳曰成

曰久最後定曰禮或謂與亡金偽謚同且古有婦人號禮
宗者遂易曰禮理蓋以聖性崇尚理學而天下道理最大於
是人無間言而不知理字拆文取義乃四十一年王者之
象可謂請謚于天矣

度宗端文明武景孝皇帝諱敎本名祺又名孜又名孟啟字
長源初字邦壽小字德葵永紹宋史陵

名義宋史理宗淳佑六年十月少保嗣福王與芮子賜名
孟啟授黃州刺史十一年改賜名孜寶祐元年改賜名祺
又賜字長源先賜字邦壽癸辛雜識續集福王長子小字
祐次自黃氏所生小字德即紹陵也蓋取並立人二字為

應德祐之號黃氏德清人乃李夫人從嫁名定喜紹陵在
紹陵其母賤服墮胎藥既生手足皆軟七歲始能言夷堅
續志度宗母娠時理宗密使女醫治藥毒之煮藥者見有
金龍于上因傾其器不進遂產孟啟廣業案度宗紀稱齊
國夫人黃氏夢神人采衣擁一龍納懷中有娠既生室有
赤光則固非偶然也 獻與璿同音旋美玉也與叡音
銳訓通明者異黃公紹韻會云璿或作旋亦作旋又作璇
集韻或作璿璿猶作叡叡古作璿咸淳志進呈在咸淳七年
年宋本凡遇璿璇旋及咨孜字俱注御名還字注御嫌
名宋板書凡詹玆襟等字缺末筆五代名畫補遺睿宗作

睿宗

不事

名

咸淳志鹽官令裴注名犯御諱此當是裴璿楊子

平鹽官人名犯今上皇帝御名子平其字也此為楊璿又

富陽令朱林下注御名此當是啟字麗元英談藪謝希孟

改名直字古民此避孟字兼避希字也

附謚癸辛雜識新集度宗初議謚曰純有屯之象曰實乃

英宗舊名曰正有一止之嫌後定今謚

少帝諱焜降元封瀛國公後為僧易名合尊

權衡庚申帝紀瀛國公知世祖

欲害之乞為僧避居少漢易名合尊號合尊天師見素忠微符臺外集瀛國公

事又號永波講師注元量湖山類稿有詩紀之

名義黑與顯同癸辛雜識別集載度宗誕育云咸淳四年
戊辰閏正月初六日午時御妃楊氏降生皇子賜名顯甲
戌七月進封吉王又咸淳辛未九月二十八日全后誕生
皇子賜名顯甲戌七月度宗遺詔即皇帝位廣業案吉王
即端宗名不曰顯且無二子同名之理必字訛也因學紀
聞云紹興建儲欲更名華周益公謂與唐昭宗同而亟改
景定建儲乃與蜀後主太子同咸淳末命嗣君之名又與
唐中宗同而當時無言者輟耕錄云宋興於後周恭帝顯
德七年恭帝方八歲亡於少帝德祐二年少帝方六歲名
顯德顯二字竟與得國時合

諱畧云鼎避作畧

端宗諱昀走福州

文天祥等立之溺香山縣海中葬永福陵

末帝諱昀

昀

至廣東之厓山陸秀夫負以入海死

葬新會縣明張詡有厓山

新志

金史隱逸傳王子可字南雲嘗隸籍軍校病後忽發狂久之能詩所書六經及韻學家古文奇字字畫頗勁遇宋諱亦時避之廣業案金亡於理宗朝則南雲所避當是度宗以上諸帝也

屠隆考槃餘事宋元書以墳典六經騷國史記漢書文選為最詩集及百家醫方次之文集道釋二書又次之宋書

紙堅刻軟字畫如寫格用單邊間多諱字用墨稀薄着水無跡開卷生香元刻倣宋單邊潤多一線字畫不分麤細紙鬆刻硬用墨穢濁中無諱字開卷了無嗅味廣業案鑒別宋刻其法甚多茲祇就有諱無諱錄之明世翻刻宋本每有闕筆之字其絕無者必翻元刻也

閒中今古錄宋避廟諱其謹嚴比前代不同

閒人詮補刊玉海例言宋時極重廟諱是書引用古人名姓事跡遇諱即嫌名亦必改易字面如桓譚為亘譚荀勗為荀勉魏徵為魏證及貞觀作正觀允征作嗣征宮懸作宮垂桓圭作植圭姤卦作遇卦此類頗多與訛謬者不同

且改之不可勝改皆循其舊廣業案此言極難校刻古書者當以閩人氏為法庶無失作者當日臨文致敬之意

王

二百四卷
數見前

日本山田井等七經孟子考文補遺凡例足

利學所藏宋板五經正義一通字體平穩如錢大款格寬廣每行字數參差不齊絕無明世諸刻輕佻務整齊者之態凡遇宋諸廟諱輒缺其點畫如殷作𠂔宏作弘允作𠂔敦作𠂔𠂔作𠂔徵作𠂔敬作𠂔讓作𠂔慎作𠂔之類各避其所諱也以此驗之宋板無疑廣業案吳草本易本義尚有鉉恒畜栢慎等字闕筆而殷敬等字已祧不避今日本所有五經避及翼宣二祖而又缺敦字其殆紹熙初所刻

歟考押韻釋疑所列廟諱惟聖祖名不缺筆太祖以下匡
作匡下一字作清炁作炁恒作恒禎作禎曙作曙頊作頊
煦作煦佶作佶桓作桓構作構脊作脊慎作慎惇作惇擴
作擴昀作昀觀此亦可得其大凡矣餘已詳前

案避諱之繁宗為最甚除經典之外展卷皆有是考所
錄特撮其畧耳帙冗難概甄收且所重在于考核故必
詳叙所應諱若干字及當日令文知其何者為犯何者
非犯然後分類論列義各有歸南宋考諱精詳無過岳
鄴侯既世家熟諳掌故又忠愛所宣動關國體自與彌
文曲謹不同自餘則雖程朱大儒不無踈略矣洪文惠

亦鉅公也其容齋三筆云本朝尚文之習太盛禮官討論每欲其多廟諱遂有五十字者舉場試卷小涉疑仙士人輒不敢用一或犯之往往暗行黜落方州科舉尤甚此風殆不可革然太祖諱字內从木从勻者廣韻十進字中亦收張魏公以名其子而音為進太宗諱字內从耳从火者又有梗音今為人姓如故高宗諱內从勻从口者亦然真宗从心从亘音胡登切若缺其一筆畫則為怛遂并怛字不敢用而易為常矣景廬此論雖為進取途隘而發其意頗有譏切夫方州取士拔平凡而遺優異元祐間孫諤狀已謂主司狃于畏謹矣試觀高

宗之策進世宗之錄樓鑰聖度覽宏荷嘗不加典恕
况利貞進講仁廟方歎為古儒豈復獲戾如漢之有利
哉特臣子盡禮之心寧違衆從下耳魏公以杓名子或
以廣韵修自景德祥符未嘗刪難又別音進似可無嫌
若敬係翼祖祧諱而為子制字曰敬夫雖其卒在孝宗
之世未奉紹熙元年之詔而二子名皆犯本朝祖宗之
諱在士庶猶可非大臣所宜出也耿以國為氏古幸切
响姓平聲與吁句古候二切異俱與廟諱無涉盖宋諱
所辨在音不似唐人概避字面故聖祖太祖上一字韻
畧增收許士人用以押韻全不避忌惟同音則在所必

避韻畧所載唇舌角羽之辨可例推也魏鶴山嘗言韻畧得名以音韻各有畛略也吳彩鸞寫本唐韻于一東下注云德紅反濁滿口聲自此以下並然今韻畧不載聲音之清濁殊失古意所謂不載者祇省去滿口等文耳其音之清濁仍與唐韻無殊豈可意為混淆乎賈魏公羣經音辨首辨字同音異次即辨字音清濁正此意也洪以博辨偶忘嫌諱在音原非篤論七修類稿等書摭拾其言不復深考遂云宋避字之外又避其音如高宗諱構句鈎苟皆避隨筆所載有五十字之多是何理也夫鈎苟皆句氏所改避之字音切懸殊可以此充五

十字之數乎震澤長語又倒五十字為十五字蓋皆未
考宋制并未見三筆也

丁巳七月七日乙刻校王鴻村外翰以寒具惠貽俗稱巧果
作中七鵲橋狀甚肖壬子七月亦曾有此饋今年夢賦故
復屬之亦韻事也



經史避名彙考卷二十二

海寧周廣業輯

帝王 十九 遼 金 元 附宗 天完 漢

遼

遼

耶律氏國語世里本審吉國有奇首者居潢河南鮮卑故地

也教傳至肅祖又三傳為德祖世為契丹遙輦氏之夷裔莖

生太祖稱帝始號契丹都上京太宗改國號曰遼聖宗復號

大契丹道宗仍號遼

太祖大聖大明神烈天皇帝諱億字阿保機小字啜里只葬

祖陵

陵在祖州木葉山遼以州名陵太宗懷陵在懷州世宗顯陵在顯州餘並同

歐史云阿保機死德光更其名曰億盖用中夏法也太宗
世宗義宗穆宗並然又歸田錄云世傳梁李琪金門集有
賜契丹詔乃為阿布機當時書詔不應有誤而自五代以
來見於他書皆為阿保機雖今契丹人自謂阿保機亦不
應有失趙志忠云彼人實謂之阿保謹未知孰是廣業案
啜里只是本名史諱為小字諸帝同

肅祖昭烈皇帝

與宗追尊諱耨里思

懿祖莊烈皇帝

與宗追尊諱薩刺德

元祖簡獻皇帝

與宗追尊諱勻德實

德祖宣簡皇帝

與宗追尊諱的魯字撒刺的一曰幹里趙志忠北

案遼史帝紀不書德祖諱亦不載追尊之典惟蕭韓家奴傳重熙十三年上疏曰太祖代遙輦即位乃製文字脩禮法建天皇帝名號厥後累聖相承自夷離堇湖烈以下大號未加天皇帝之考夷離堇的魯猶以名呼宜依唐典追崇四祖為皇帝始行追冊元德二祖之禮是追尊始興宗也夷離堇者統軍馬大官會同初改為大王葉隆禮遼志作夷堇畢謂參知政事也的魯為德祖名時未知諱故太宗紀別有夷離堇的魯與後唐將張敬達戰死太宗以的魯子徒離骨嗣為夷離堇仍以父字為名以旌其忠是父子皆與德祖同名也

太宗孝武惠文皇帝諱德光字德謹小字堯骨本名耀屈之

見歐史又宋白日本名耀屈之慕中國文字改焉葬懷陵

遼史百官志崇祿寺本光祿寺太宗諱改廣業案史言諱

者止此一事

世宗孝和莊憲皇帝諱阮小字兀欲為述札所藏事畧遼國

突欲子兀欲立名瑋自稱天授皇帝五年秋死周廣順元年

德光子齊王述律立名明自稱天順皇帝五年秋死周廣順元年

明記立更名賢自稱天贊皇帝所記與遼史不同考歐史及

通考並云兀欲更名阮則事畧誤也又宋史宋琪奏太宗曰

阿保機三子長東丹次德光德光死東丹子永康立永康死

德光子述律立二年為永康子明記所纂是兀欲又名永康

也述札事見歐葬顯陵

義宗讓國皇帝追尊世諱倍小字圖欲歐史遼志歸唐明宗

賜姓東丹

太宗封倍為東丹國人皇王賜姓因之案北夢瑣言突欲阿保機長子五代名宣補遺以東丹為契

丹大姓德

更名慕華又更姓李名贊華自署黃居難字樂地

先外戚誤

更姓李名贊華自署黃居難字樂地

契顯陵

云鄉貢進士云云以擬白居易字樂天也

穆宗孝安敬正皇帝諱瑒小字述律

續綱目時號睡王

以喜

為近侍

時太宗開寶三年殺

附葬懷陵

景宗孝成康靖皇帝諱賢字賢寧小字明辰

遼志通考

葬乾陵

陵

歸田錄翰苑新書後集並載仁宗天聖九年改元明道無

何以犯契丹主諱明年遽改景祐廣業案石林燕語謂隆

緒於仁宗為伯則穆景皆屬尊行自應避其諱但此明字

歐公不言避何主之諱通鑑事畧並云周廣順元年述
律立更名明後歐史及陳鉅綱目述遺云述律立後更名璟
後更名明則明為穆宗諱然遼史並無之惟景宗小字明
宸考宋遼薛貽廓至遼告仁宗嗣位在聖宗太平二年則
明道改元當在太平十一年明年為興宗重熙元年時穆
宗升遐久矣又遼史西夏傳聖宗統和十八年授李德明
朔方軍節度使二十一年繼遷薨其子德昭遣使來告德
昭即德明也以下皆稱德昭蓋亦至此方避明字如果穆
宗之諱鄰邦應早聞之不得屢有所犯然則明之避端在
景宗蓋賢名後出生時止曰明宸故卒哭而諱之歐陽司

馬遂誤以為述律名也

聖宗文武大孝宣皇帝諱隆緒

董道錢譜作序

小字文殊奴葬慶陵

慶州慶雲山地
理志作永慶陵

案道宗嘗改年壽隆本紀志傳屢見隆為聖宗諱則不

應犯厯象志閏考却作壽昌

湘考仍作壽隆

徐兢宣和奉使高

麗圖經正朔篇叙遼年號亦曰壽昌范成大攬轡錄亦

然董道錢譜云壽昌元寶遼道宗壽昌年鑄而遼史食

貨志又稱道錢有四等曰咸雍曰太康曰大安曰壽隆

皆曰改元易名二字必有一誤考聖宗弟隆慶祐皆

不改避統和二十八年以丞相耶律德昌隸橫帳季父

房賜名隆運是上一字當時本未嘗避但以廟諱為年
號恐無是理且歷象何以忽出壽昌也

興宗神聖孝章皇帝諱宗真字夷不莖小字只骨又名木不
孤事畧通考 葬慶陵

洪皓松漠紀聞女真本古肅慎國五代時始稱女真避契
丹諱更為女直俗訛女質又黃頭生女真因避諱稱黃頭
女直宇文懋昭金志本名朱里真蕃語舌音訛為女真或
曰慮真避契興宗名又曰女直遼史北女直南京女直金
史熟女直生女直皆作直字由此

道宗孝文皇帝諱洪基字湏鄰小字查刺

徐渭路史引哀諱云中人稱民間六

因名各利俗說為不拉楊氏少史誤為天祐皇帝 英虞陵

天祚皇帝諱延禧錢錫作延基字延寧小字阿果又字阿适徐夢莘三

朝北盟 為金人所俘封海濱王辛弃疾南植 英乾陵旁

遼史姚景行始名景禧道宗時改廣業案天祚時蓋為皇

儲 通考四裔考高麗國宋哲宗時懷王堯卒其叔父鷄

林公熙嗣位熙後避遼主諱改名从禹高麗國經 又

契丹傳宋仁宗熙寧七年洪基遣蕭禧屢致書以河東地

界為言以分水嶺為界廣業考遼史道宗紀及列傳無名

禧者疑後避天祚改也

蔡條鐵圍山叢談北朝先有重熙年號宗興時後主名禧國

中避之稱重熙為重和老學菴筆記政和末議改元王輔
擬用重和既下詔范至虛間白上曰此契丹號也故未幾
復改宣和然宣和契丹宮門名猶我之宣德門也年名實
曰重熙後避天祚嫌名追謂重熙曰重和不必避也

遼史遊幸表聖宗統和六年三月幸延壽延洪二寺十五
年四月幸延壽寺十一三四等年幸延芳淀興宗重熙十
一年十二月幸延壽寺日下舊聞曰延洪開泰二寺元混
一方輿勝覽猶載之至明修一統志及寰宇通志無有寺
未必廢也大約易其名故跡遂不可考矣廣業案延洪犯
孝文天祚諱則改名當在遼末宜明世之無考也

順宗大孝聖順皇帝

追尊天祚父

諱濬小字耶魯幹英王峯山

附

北遼天錫皇帝

興宗孫天祚叔

名淳小字涅里

金太太祖記作檀里太宗紀作雅里都

燕號燕王又曰湘覃大王

事天祚降為庶人葬永安陵燕西

西遼天祐皇帝

太祖八世孫

名大石字重德號葛里罕

粘罕割韓奴傳云大石死子孫相繼西方諸部仍以大石呼

之則亦無所謂諱矣

仁宗夷烈其子直魯古為蠻王屈出律所擒遠絕

案遼主名諱傳聞異辭今依據正史參考傳記定之遼

史禮志有所謂再生儀者率十二歲一行有三過岐木

及太巫奉襦祿綵結等儀此追念劬勞之意又云預選
七史立御名繫於綵皆跪進皇帝選嘉名授之賜物而
退夫三月命名事體至重已孤不更君子所慎豈得令
七史重立果爾則歲一周星又別出一御名矣此不與
之甚者而史謂其足以起孝譽阻罕可汗之垂訓亦迂
論矣

金

金

完顏氏

漢姓曰王

本號勿吉古肅慎地也唐為靺鞨附高麗

開元中來朝置黑水府賜姓名李獻誠

通考及金志俱云姓李氏金史作李氏

五代屬契丹號女直始祖函普從高麗來居完顏部

松漢紀云新

羅人完顏至獻祖始定居出虎水之側是謂金源金史地理志上京路

漢書王也國言金曰按出虎以按出再傳景祖遼命為生女

直部族節度使又四傳世祖滅遼國號金

金史世宗紀大定九年禁民間稱銷金條理內舊有者改

作明金字章宗紀明昌二年禁稱本朝人及本朝言語

為蕃遠者杖之

太祖應乾興運昭德定功仁明莊孝大聖武元皇帝諱旻本

諱阿骨打葬睿陵始名泰陵宋簡錄誤作和陵今涿州房山縣雲峯山下金之奉先縣也金國經云海

龍陵徙燕遷英良鄉縣大紅山西大紅谷曰龍街寺口金諸陵詳顧炎武山東考古錄

名義太祖改名金史不詳其年通考云延禧天慶八年始

用降人楊朴策稱帝建元天輔以旻為名改國號大金廣
業案太祖初建元收國當遼主天慶之五年後三年又改
天輔當天慶之卅八年遼史天祚紀天慶五年正月遣僧
家奴持書約和斥阿骨打名三月遣耶律張家奴等齎書
使女直斥其主名冀以速降六月張家奴等還阿骨打復
書亦斥名諭之使降金史太祖紀收國元年正月遼使僧
家奴來議和國書斥上名使為屬國六月遼耶律張家奴復
以書來猶斥上名上亦斥遼主名復之二史叅証則天輔
以前並無旻名通考為有據也魏郊錄引范成大攬轡錄
曰金本無年號自阿骨打
始有天輔之稱今四十八年矣小本歷通具百二十歲相
屬某年生而四十八年以前無號乃偽造以足之重熙四

年清寧咸雍太康大安各十年壽昌六年乾統十年天慶
四年收國三年以接天輔珂索比年皆遼故名女真奉遼
正朔又咸雍而代之以其紀年為歷國其所也直范未之
見即廣業案岳說其題但收國己屬金年號非遼舊也
令式史例惟最後一名書諱初名本名別名皆不書諱遼
金二史俱阿魯圖脩脫脫總裁而遼書小字金書本諱蓋
循舊史之文今亦仍之

洪遵松漠紀聞補遺金人廟諱尤嚴不許人犯嘗有武弁
經西元帥投牒誤斥其諱杖脊流通武元初只諱昽後有
申請云昽閔也釋名本遂併閔諱之辛棄疾南燼紀聞靖
康二年五月金鎖開帝后於小屋中朱后有疾卧地少帝
謂左右曰汝等可憫吾國破家亡取湯水相救左右引去

曰吾國禁衛諱言犯者過於殺人汝呼閔字已該大罪尚欲索湯水耶不顧而去廣業案旻音民閔音慙音絕不同故世宗大定元年上熙宗廟號曰閔宗至二十六年始改熙宗知閔字初尚不避洪皓之歸在熙宗皇統二年八月故紀聞稱為今主而未及此事二帝見執於太宗天會五年又在其前其以呼閔為罪蓋左右宜避嫌名猶唐宮之不敢言諭及機也

地理宋史志劍南道西和州紹興元年入於金舊名岷州十二年本紀十四年與金人和以珉犯金太祖嫌名改廣音遠史地理志南京道載宋王曾上契丹事曰燕京有慙忠寺案

遼釋行均龍龕手鑑有統和十九年憫忠寺僧智光序字
作憫元卞思義有愍忠閣詩字又作愍蓋避金主諱而改
詳卷之變

附謚金史世宗昭德后烏林答氏避太祖諱改明德

太宗體元應運世德昭功哲惠仁聖文烈皇帝諱晟本諱吳

乞買事畧葬恭陵初名豫陵宏簡錄亦誤和陵在房山縣

令式金史孫即康傳章宗承安六年參知政事賈鉉曰太

祖廟諱同音字有讀作成字者既非同音便不當缺點畫

睿宗廟諱改作崇字其下却有本字全體不若將示字依

蘭亭帖寫作未字充字合缺點畫如統旁之充似不合缺

上以問即康即康奏曰唐太宗諱世民偏傍犯如葉字作
菜字泯字作泯字乃擬熙宗廟諱從面從且睿宗廟諱上
字從未下字從世世宗廟諱從系顯宗廟諱如正犯字形
止書斜畫沆字銳字各從口兌悅之類各從其本傳從之
自此不勝曲避矣 樂志雅樂初太宗取汴得宋之儀章
鐘磬樂簾挈之以歸皇統元年熙宗加尊號始就用宋樂
有司以鐘磬刻晟字者犯太宗諱皆以黃紙封之大定十
四年太常始議歷代之樂各自為名今郊廟社稷所用宋
樂器犯廟諱者宜皆刮去更為製名於是名曰太和

宗崇寧四年八月製新
樂名大晟置府建官

案宋
史載

附年號夷堅志昭州郡圃有亭曰天繪郡守李丕以犯金

年號易曰清暉

始祖景元皇帝

熙宗

追諱函普

紀開作

葬光陵

德皇帝

追諱

烏魯

紀開作

葬昭陵

始祖以下諸子傳始祖明懿皇后生德帝李曰幹魯女曰

注思版皆福壽之語以六十後生子異之故皆以嘉名名

之

始祖與明懿判合時年皆六十餘生二子

安皇帝

追諱

跋海

紀開作

葬建陵

獻祖定昭皇帝

追諱

綏可

紀開作

葬輝陵

昭祖成襄皇帝

追諱

石魯

紀開作

葬安陵

金史外傳歡都完顏部人祖石魯與昭祖同時同部同名土人呼昭祖為勇石魯呼石魯為賢石魯蓋金至景祖始大前此尚未有君臣之分也

景祖惠桓皇帝

追諱

烏古廼

金志作胡來紀聞同

時人名之活羅

北方名

以其嗜酒色飲

通人故名 葬定陵

始祖以下諸子傳昭祖久無子有巫者能道神語禱焉巫曰男子之魂至矣此子厚有福德子孫昌盛可拜受之若生則名之曰烏古廼遂以巫所命名名之

世祖聖肅皇帝

追諱

劄里鉢

紀開作核里頗通考同

葬永陵

肅宗穆憲皇帝

追諱

頗剌淑

紀開作蒲剌東

葬泰陵

穆宗孝平皇帝追諱盈歌紀開作楊哥遠天祚記作楊劉金

諱盈歌盈迤楊歌近劉南北音歌遠人稱楊劉太師穆宗

景祖至太祖皆有是稱凡叢言松漢紀張棟金志皆無足取

廣業案南北音歌信也然金史說石烈牙吾塔傳又自云塔

亦作太亦曰牙忽帶蓋女直語無正音也然則訛以傳訛未

知孰是今依金史字烏魯完莫獻陵

而附叢言備考康宗恭簡皇帝追尊世子諱烏雅東紀開作字毛路完莫喬陵

令式章宗紀泰和元年三月辛巳敕官司私文字避始祖

以下廟諱小字犯者論如律七月己巳初禁廟諱同音字

案以上十帝皆太宗天會間追謚熙宗皇統初復加尊

謚兼上陵名今依史書初謚至章宗申嚴諱禁日知錄所謂倣

宋制也史稱景祖以前尚無文字天輔以後漸啓文明

至泰和始定律

元初亦用泰和律世祖至元八年始禁之

避諱之法密可知

矣然如烏魯為德帝名穆宗又以為字且熙宗追尊祖

宗定著始祖景祖世祖太宗廟皆不祧而列傳中人名

犯魯字烏古等字者極多諱法史無明文不能詳考也

熙宗

初號宏基

繼武莊靖孝成皇帝諱亶本諱合刺

魏鄭錄重故名

為亮所弑降東昏王

諱思陵

魏鄭錄

孫即康傳章宗承六年擬從面從且

諱太

徽宗景宣皇帝

追尊熙宗父

諱宗峻本諱繩果

魏鄭錄作聖果又曰宣昌名宗峻

葬興陵

煬帝海陵王諱亮字元功本諱迪吉

楊氏小史本名勣烈緒通考本諱迪魯乃宗簡

上卷三
言公古
龍作私

錄陳景雲紀元
要畧作地古乃
所殺詳卷北大定初降為王後降庶人莫山陵南四十里

王競傳皇統間海陵當國政由己出欲令百官避堂諱競
言人臣無公諱遂止 交聘表天德二年正月辛己以名
諱告諭宋及夏高麗 法帖譜系大觀太清樓帖宣政間
所拓前十卷字盡無損開禧以後有權塲中來者已磨去
亮字矣又絳帖亮字不全本與東庫本絕相似或只是一
石但庾亮帖內亮字皆無右邊轉筆蓋避逆亮諱也 輟
耕錄潘氏東庫本帖逐卷逐段各分字號以日月光天德
二十字為次後避金主亮諱但庾亮帖內皆去右邊轉筆

謂之亮字不全本

趙希鵠洞天清錄潘舜臣絳州帖金唐百年之間重摹至再則非一石也

德宗明肅皇帝

追尊端帝父後撤去

諱宗幹本名幹本

紀開小名烏家叔本曰粘漢言

魏類漢人 葬大紅谷

本宗諸子傳

宗幹實太子祖庶長子

皇統元年賜宗幹輦輿上殿制詔

不名

世宗光天興運文德武功聖明仁孝皇帝諱雍初名褒

宋史又語

類篇王先名褒後以似褒字改雍

本諱烏祿莫興陵

本紀大定十四年三月甲辰上更名詔中外禮志是日詔

更御名命左丞相良弼告天地平章守道告太廟左丞石

琚告昭德皇后廟禮部尚書張景仁告社稷及遣官祭告

五藏

太宗

孫即康傳承安六年擬世宗廟諱偏傍從系

齊太

睿宗簡肅皇帝

遼世宗

諱宗堯初諱宗輔本諱訛里朶莢景

陵

石晉之遺風也世宗嘗詔諭宰執曰諸王小字向嘗以女

直語命之今皆當更易卿等擇名以上

在大定然則廟諱

之更亦有司所撰矣初不甚諱泰和間始厲禁之

齊宗

令武孫即康傳承安六年擬上字從未下字從世

齊太

人事遼宗端脩傳章宗避睿宗諱上一字凡太祖

續文獻

是諸子皆加山為崇廣業案太宗子宗王宗盤幽王宗因
代王宗雅薛王宗懿涼王宗本豐王宗美畢王宗哲徐王
宗順朱子語類謂宣之父行名皆從宗是也今列傳未有
改崇者蓋史失之元好問中州集趙太常之傑本名宗傑
避諱改金史列女傳蘇嗣之許州人本名宗之避諱改
族氏宗端脩字平叔汝州人大定進士避睿宗諱改宗氏為
姬氏廣業案中州集謂宗御史避諱原作術紹王改氏姬
而天下止以宗平叔目之但其姪孫姬汝作字欽之元兵
入死難金史入之忠義傳則宗不復姓明矣宗室改內
族宗族表序云大定以前稱宗室明昌以後避睿宗諱稱

內族其實一而已

官制百官志太宗正府泰和六年避睿宗諱改為大睦親府判大宗正事改判大睦親事同判大宗正事改同判大睦親事同簽大宗正事改同簽大睦親事大宗正丞改大睦親丞

地理鄉百官志王國號其一曰萊注舊為宗避諱改地理志北京路瑞州本來州天德三年更宗州泰和六年避睿宗諱更今名瑞安縣明昌六年更宗安泰和六年更今名

案宗係連名之字諸王所同且係廟號豈能悉避但海

熙父名宗幹則天德不應有宗州之改至宗安改於明昌而避諱嚴於泰和即一人而先後致異矣

山范成大石湖詩集唐山詩注本堯山金主父名堯更名章宗憲天光運仁文義武神聖英孝皇帝諱璟小字麻達葛莫道陵

名義本紀大定八年生世宗謂司徒李石等曰朕子雖多皇后止太子一人幸見嫡孫又生於麻達葛山朕嘗喜其地衍而氣清其以山名之二十六年四月詔賜今名小史麻達葛者女直之望山也初生在此雍喜遂以名之令武選舉志恩例明昌元年定制省元就御試者

省元直
御試

不中者許殿榜末解元但免所試文卷惟犯御名廟諱不
府試四舉終場依五舉恩例
成文理者點之餘並以文之優劣為次時詔以六經十七
史考經論語孟子
及荀楊老子內出題命於題下注其本傳舉人程文所用
故事許自注出處注字之誤不在塗注乙之數恐試官速
不能憶致失人材也六年言者謂學者恃有司
全注本傳不勉讀書因定題注不得過五十字
廣業案劉
祁歸潛志載泰和間有司考詩賦已定去取及讀策論則
止用筆點廟諱御名且數字數與塗抹多寡而已蓋自承
安末更定科舉法策論詞賦經義三行進士不無軒輊故
也方伎傳易州張元素字潔古嘗試經義進士犯廟諱下
第乃去學醫則世宗大定間人也黨懷英傳明昌六年有
事南郊懷英以翰林學士攝中書侍郎讀祝冊上曰讀冊

至朕名聲微下雖曰尊君然在郊廟禮非所宜當平讀之
廣業案廟諱小字之避始於泰和元年詳前意御名之避亦
至是始嚴日知錄謂洪忠宣留金十五年已諱閔字為不
始於章宗固然但法制之詳度武元時必未嘗有此犯諱
有律同音有禁又以禮部尚書掌凡國忌廟諱百官志乃至
明昌三年詔臣庶名犯古帝王而姓復同者禁之周公孔
子之名亦合迴避又禁伶人不得以歷代帝王為戲及稱
萬歲犯者以不應為事重法科紀俱本夫古帝之名尚不得
犯焉有御名而敢褻者懷英之下聲讀冊以此也故討論
金諱當以明昌泰和為準

人事名列傳張煒太名煥侯摯初名師尸俱避嫌諱改

列傳師安石本姓尹氏避諱改

地理縣百官志王國號其一曰景注後改曰鄒又一曰蔣

注士民須知名書云舊為葛此避地理志河北東路景州大

安間更為觀州避章宗諱也

山禮志瑞聖公即麻達葛山也章宗生此後更名胡土白

山明昌四年封山神曰瑞聖公建廟

附年號本紀泰和二年更泰和宮曰慶寧

顯宗光孝皇帝追尊諱允恭本諱胡土瓦又名允迪莫裕

陵

名義金史世宗大定二年賜名允迪立為皇太子八年改賜名允恭

令式孫即康傳承安六年賈鉉言充字合缺點畫如統傍之充似不合缺即康奏擬顯宗諱如正犯字形止書斜畫

沈字銳字各從口兌悅之類各從本傳

人事字名衛紹王諱允濟改允為永見後宗室思敬本名思恭

又白彥敬初名彥恭皆避諱改俱列傳

制官選舉志筆硯承奉舊名筆硯令史大定二年更筆硯供

奉後以避顯今史誤廢宗諱復更今名

地理縣郡史志河北西路衛州蘄門縣本共城大定二十九

年改為河平避顯宗諱也明昌二年改今名又山東西路
宛州寧陽縣舊名龔城京兆府路乾州武亭縣本名武功
俱大定二十九年改康海武功縣志金改武亭元復為武功廣業案供共龔
功皆同音字也朱子謂外國法偏旁字皆諱是也觀大安
祖詠之詔則知之矣

觸犯續綱目宋寧宗開禧二年金使太常卿趙之傑來賀
正旦入見韓侂虬胄故使贊者犯金主父嫌名以挑之之傑

遂倨慢

衛紹王諱永濟本名允濟小字興勝續通考為乾石烈官執
中亦曰胡所弑

令式本紀章宗時避顯宗諱詔改允為永大安元年三月
甲辰詔曰自今於朕名不連讀及祖詠等字皆不須別改
人事字名元史張特立字文舉初名永避金衛紹王諱易今
名中州集聞長言字子秀慕張忠定之為人故名詠
避衛紹王諱改廣業案據此則詠字亦改與大安之詔異
矣

地理縣齊乘濟南路濟陽縣金初割豫割章邱之標竿鎮
及臨邑封圻之半置大安六年避金主允濟諱改曰清陽
允濟遇殺復舊名廣業案金史地志有濟州亦以被弑復
舊名故不諱也 曹鼎望豐潤縣志金大定六年改薊州

縣為永濟縣大安元年避主諱改永濟縣為豐潤縣號曰
漁陽廣業金史地志薊州縣五注云舊又有永濟大定
二十七年以永濟務置未詳何年廢又豐潤注云泰和間
置然則永濟之置不當在六年曹志誤也畿輔通志古蹟
云永濟廢縣今豐潤縣治金大定二十七年以永濟務置
得其實矣金史謂豐潤泰和間置者以未知永濟之廢年
而泰和與大安年本相接也日下舊聞元豐潤縣令碑記
跋云豐潤縣本玉田之永濟務金史稱泰和間置明寰宇
通志一統志因之今觀至元七年縣令孫慶瑜碑記則改
務為縣乃章宗大定年事碑云大安初避東海郡侯諱更

名豐閏東海郡侯即衛紹王然則縣始置時仍名永濟可
見清類天文分野之書洪武元年改閏為潤今國子監金
元史雖本皆閏旁着水非也其言甚核幾輔通志於豐潤
縣乃云泰和中置大安初改潤曰閏元省入玉田尋復明
洪武後改閏曰潤此又誤也再考洪邁續松漠紀聞記上
京路程云榛子店至永濟務四十里又八十里至玉田縣
則務之置自太宗時已然金史衛紹王紀大安三年四月
元太祖來征至十一月書是時豐潤皆歸大元則改名未
久即為元有矣而元史世祖紀又稱至元十三年十二月
薊州復置豐潤縣則元初又嘗廢矣廢置不常故史不能

宣宗繼天興統述道勤仁英武聖孝皇帝諱珣本諱吾睹補
又諱從嘉遷都汴號南莫德陵

令武本紀大定二十六年賜今名泰和五年賜名從嘉貞
祐元年閏月庚午上復舊名珣詔所司告天地廟社前所
更名二字自今不須迴避

人事

名

中州集梁持勝本名詢義

史傳作珣

避宣宗嫌名改

地理

郡

本紀興定元年十月改郇國號為管避上嫌名

附年號

地理志中都路灤州古城縣長春淀舊名大定淀

大定二十年更名又陝西通志鳳翔府鳳翔縣舊名天興

大定中以與慶衍殿字音同改鳳翔

哀宗一作昭宗諱守緒初諱守禮又諱寧甲速為元兵所逼

徙歸德旋奔蔡州禪位末帝城破自經於幽蘭軒葬汝水上

名義宣宗紀天泰四年改賜皇太子名守緒本紀用太子

少保張行信言更賜名

不事名中州集李節字正臣扶風令初名守節哀宗即位

去守字哀宗聞之謂侍臣曰吾不欲人避上一字李守節

何故避之良久曰臣子敬君避之亦可金史賈益謙字

彥亨中州集本名守謙避哀宗改

末帝承麟為亂兵所害金亡

案金自章宗以後二名嫌名皆避與宋法同所異者兼諱小字耳蓋小字是其本諱有在位積久而始改者有身後追改者故必嚴其禁也

元

元

奇渥溫氏蒙古部人始祖孛端義兒六傳至八哩丹生

烈祖神元皇帝也速該始吞并部落其子生太祖稱帝四傳

至世祖滅宋都燕國號元

太祖法天啓運聖武皇帝諱鐵木真孟珙雜記作國語成吉思

思皇帝世祖至元十三年題太祖主如此見史及輟耕錄今

成吉思諱言天賜二字也元秘史作成吉思可汗莫起輦谷諸帝同

元史本紀烈祖征塔塔兒部獲其部長鐵木真宣懿太后
月倫適生帝因以名之志武功也

祭祀志國俗舊禮每歲駕幸上都以八月二十四日祭祀
謂八洒馬孛孛命蒙古巫覡及蒙古漢人秀才達官四員
領其事再拜告天又呼太祖成吉思御名而祝之曰托天
皇帝福蔭年年

太宗英武皇帝諱窩闊台

山東考古錄卷定襄元年歲廟聖
音碑作月古台
中州金石記云武

宋時四書碑作月可舒又作月古舒皆聲相近元國語
重者不重字也至大年付紫微宮古碑又作月古歹

定宗簡平皇帝諱貴由

憲宗桓肅皇帝諱蒙哥

史不言
其所

本紀帝生時有黃忽答部知天象者言後必大貴故以蒙哥為名蒙哥華言長生也

睿宗仁聖景襄皇帝

追尊憲宗父

諱拖雷

報刺錄作拖

案窩闊台以下史碑錄皆以為國語元史劉秉忠上言世祖稱科舉之設已奉合罕皇帝聖旨因而定之易行也合罕即哈罕謂太祖也祭祀志載世祖至元年定烈祖以下為八室改作金主太祖主題成吉思皇帝睿宗主題太上皇也可耶顏餘皆題名諱然則合罕及也可耶顏為國語而窩闊台名其諱也

世祖聖德神武皇帝諱忽必烈國語薛禪皇帝

史刑法志職制諸內外百司凡進賀表章繕寫謄籍印識者以式其輒犯廟諱御名者禁之

附號輟耕錄曰中書左丞相伯顏所署官御計二百四十六字曰元德上輔云云當擅政之日左右獻諂惟恐不至有一王爵者譯奏云薛禪二字人皆可以為名自世祖廟號之後遂不復用今丞相功高德重可以薛禪名字與之時御史大夫帖木兒不花亦其心腹陰嘆省臣奏允其請文定王沙剌班時為學士從容言於上曰萬一曲徇所請關係匪輕遂命學士歐陽原功監丞揭傒斯會議以元德上輔四字代之加於功臣之上

太祖更畏答兒曰薛禪薛禪者聰明之謂

成宗欽明廣孝皇帝諱鐵穆耳

續通考
耳批本

國語完澤篤皇帝

樹報

錄澤作者中州圖書碑
篇作亮或作亮者都

裕宗文惠明孝皇帝

建尊成
宗父

諱真金

徒單公履皇太子冊文咨爾皇太子下

小注裕宗廟諱元

類案此注係唐宗舊式姑錄其一以見例

武宗仁惠宣孝皇帝諱海山國語曲律皇帝

列傳程鉅夫本名文海避武宗廟諱以字行廣業案元臣

避諱史惟見文憲一人熊朋來楚國夫人徐君墓碑云延

祐三年翰林承旨程公鉅夫致為臣而歸碑係延祐五年

立則知其改避久矣貫酸齋學士本名海涯而自署每云

貫雲石疑亦避諱特史不詳耳程（壘）（皇）見其稱字遂謂勝國之中世彌文失考矣

順宗昭聖衍皇帝

考追尊武宗父

諱答刺麻八剌

冊文見元文類

仁宗聖文欽武皇帝諱愛育黎拔力八達國語普顏篤皇帝

山東考古錄載廟碑篇作都

選舉志皇慶二年定選舉之制試卷不考格犯御名廟諱

及文理訛繆塗注乙五十字以上者不考元典章

英宗至治二年

延祐元年定慶賀表箋元禁字樣太繁除御名廟諱及

凶惡等字外及休祥極化字樣繁不避

英宗睿聖文孝皇帝諱碩德八剌國語格堅皇帝

毅耕錄為格作革

鐵失等所賦

本紀延祐七年十一月恭禋太廟禮儀使請署祝帝正立
書名及讀祝命高贊御名廣業案比較金章宗平讀為尤
謹矣

泰定皇帝諱也孫鐵木兒

輜刺錄孫
鐵作先帖

案泰定追尊其父甘麻剌為顯宗乃其即位詔有云我
仁慈甘麻剌爺爺根底封授晉王是不諱其名也後廟
主見撒故不列焉

明宗翼獻景孝皇帝諱和世疎

輜刺錄
疎作刺

國語護都篤皇帝

宗

即位詔作
忽都篤

富

寶御名與文

文宗聖明元孝皇帝諱圖帖睦爾脫脫木兒國語札牙篤皇

寧宗冲聖嗣孝皇帝諱懿璘質班順帝紀作懿璘只班失現錄云國語亦慎真班報耕

錄作懿慎真班

順帝諱妥懽帖睦爾寧宗紀作妥懽帖睦爾宗紀訛也幼名

完普宗標額鈔初自稱玉宸館佩瓊花第一洞煙霞小仙宗陶

儀元氏為名為明兵所逼遁居應昌太子愛猷識理達臘鄭麟

麗史作愛猷識理達臘木兒走和林太孫買的里八剌今言一

木兒明封崇禮侯

元史本紀至元元年四月禁犯御名

宗時已然矣

附僭偽

宋 韓林兒真定樂城人山童之子或云李氏子僭稱帝又
號小明王都亳移都汴梁自稱樊樓主人韓泌壘起雜事又還安豐
後歸明卒或云太祖使人沉之江

山童自言宋徽宗八世孫當主中原初起以紅巾為號事
覺伏誅林兒逃武安山中潁州人韓福通迎至亳建國曰
宋改元龍鳳太祖初起用其年號林兒卒之明年始為吳
元年壘起雜事云林兒在安豐時建八部龍文會齊八百
道人一道人齊畢置一鉢盂而去孟上細書云兩木是孤

林一木掛曲尺曲尺成四方孤林風自拔林兒見之不悅
乃築曲尺樓以自解

天完 徐壽輝又名真一陸深平夷錄及明史俱云一名真一或作字 蕪州羅田

人僭稱帝都蘄水遷都漢陽為陳友諒所殺

漢 陳友諒沔陽人本姓謝陳祖子一替自稱漢王殺徐壽輝

僭稱帝於采石都江州移都武昌與太祖戰敗於都陽湖中

流矢卒明史友諒沔陽漁家子初從壽輝後奉之居江州而

云都江州或曰武昌孔過雲蕉館子理降明封歸德侯後徙

高麗黃初都江州或曰武昌孔過雲蕉館子理降明封歸德侯後徙

夏 明玉珍一云是珍字玉珍事隨州人目有重瞳後眇右

目人呼明眼子

留青日札為飛矢損右目號明眼子黃樸平夏錄明氏一曰吳氏諱玉珍一曰字玉珍隨

川玉沙村人與元將戰飛初降徐壽輝為隴蜀省右丞壽輝矢中右目人呼吳眼子

死自稱隴蜀王後僭稱帝都成都後徙重慶卒葬永昌陵廟

號太祖子昇降明封歸義侯後徙高麗

四川總志真州元為珍州至正末改曰真州明因之置真

州長官司廣業案明氏起元至正辛卯至洪武四年始平

據有隴蜀數十年建元天統子昇嗣立又改開熙珍之改

真必是避諱至明良錄雲蕉館紀談等書珍皆作玆乃避

明仁祖諱故變其體耳

周張士誠小字九四

吳寬平吳錄及明史俱云小字汪琬鉅翁集張士誠傳作小名廣業案報

新錄平江古城基樞得石碑文云三十六十九子云云或謂
三十一其然無據此則泰州白駒場人自號成王據草木子諸史
四九其第行也其第行也泰州白駒場人自號成王皆作成王蓋因
其名誠元授太尉後自立為吳王都平江為明所滅自縊死
而其誤也

陳敬則明開創歷記洪武甲子開科取士嚮意文儒諸勲
臣不平謂上曰此輩好譏訕人如張九四厚禮文士及命
製名則曰士誠上曰此名甚美何為不可曰因孟子有士
誠小人也之句故戲用之耳豈美意耶上默然因覽所進
表箋凡一字涉疑輒加重典開中古今錄同廣業案張氏據平江
日延禮英賢東南文士多歸之不聞有製名之事且其弟
士義士德士信名皆連士豈盡含譏箋非成錦不知誰適

為謀也

七月三日校令夏雖無大雨而久旱結
結軍脚長丈雨中所雨可
謂無病心也